

獄務大全

王寵惠



中華民國二十四年九月初版

大

獄務大全一冊

每冊定價大洋叁元

外埠酌加運費匯費

編纂者 孫 雄

發行人 王 雲 五

上海河南路

印刷所 商務印書館

上海河南路

發行所 商務印書館

上海及各埠

版 權 所 有
翻 印 必 究

獄務大全

王寵惠

明
刑
弼
教

孫
科
題



擁謀典獄長紀念

獄學津梁

梁仁傑敬題



執行感化主義之新
工具

擁護典獄長治獄有年曾輯民國以來
關於監所之法規命令公牘表報等件成
獄務大全一書監所官吏久已奉為圭臬
茲復增刪重訂再版印行益煥然有以見吾
國感化主義之新精神也

趙士北



人
道
大
彰

張
一
鵬

圓土良規

魏道明

寓
韻
於
形

朱
曉
林

治獄矩矱

鄭
燦

規
矩
準
繩

林
魁

作

之導師

王自題

序一

吾邑孫君擁謀治獄所至有聲余久耳其名未曾相識也余長湖南高等法院之二年部任擁謀署湖南長沙地方法院看守所所長以所編獄務大全乞敍余披覽一通其於見今法規暨表式搜羅無遺誠可爲治獄務者之圭臬也夫治獄事至繁瑣貴以實心行實政徒沾沾於規程抑末也然非通曉規程則率由無自孟子所謂不以規矩不能成方圓也擁謀任所長整理罔懈斬合成規以實心行實政其庶幾乎邇者軍事突起巷戰槍礮聲震屋瓦羈押在所者輒暴動圖免脫而卒不能越尺寸其應變有方又如此然則擁謀固不僅練習典章矣余喜此編出而談獄政者有所遵循也於是乎書平江陳長簇時在民國十九年七月

序二

方今朝野上下岌岌焉謀撤廢領判收回法權爲當務之亟司法當局更積極進行不遺餘力彼藉口於吾國司法之不完善幾視獄政之臧否爲目標誠哉改良監獄之未可忽也實則吾國改良獄政具有悠久之歷史自建設新監以來注重教誨厲行感化改善待遇整理衛生其間逐步改良歷二十餘年已收漸進之功祇以近歲囚黎日增經費日絀環境轉移風紀廢弛識者頗具隱憂焉孫子擁謀湖南績學士也來蘇辦理獄務亦既有年飽嘗艱辛孜孜不倦比就其經驗所得精誠所及成獄務大全一書凡關於改良監所之各項法規及報告表冊指紋建築等法彙集殆徧有條不紊手茲一編不僅爲監所官吏暨研究監獄學者知所循守卽未明瞭吾國改良獄政之由來者一覽無餘亦將瞿然而起矣猶憶曩歲躬典獄政時民十五國際考察委員團來蘇調查周詢尤注意於規章制度不憚審究惜語焉弗詳未足鑒其觀聽然則茲編之成未始非折衝樽俎之一助也因樂爲之序

中華民國十九年五月吳縣吳曾善

序三

法院爲審判機關監獄爲執行機關談法學者恆視爲雙軌並行是以監獄官吏於司法方面頗佔重要位置論其任務不徒管理衛生勸業諸端且須教誨有方能具化莠爲良之善法使獄中不至有再犯之囚其獄政庶堪稱善惟近代法典迭頒科條日密欲資遵守端賴成規往歲余在浙省法廳曾彙集獄務法規分類編成監所官吏須知一冊行銷於世一時稱便惜近年所頒各種章規未暇續編輯成全豹良以爲憾茲孫君擁謀編輯是書益以命令公牘指紋建築表冊各項分爲六篇有條不紊匪徒爲監所官吏之指導卽研究犯罪學監獄之學者亦有所借鑑焉爰書所見以弁諸簡端民國十九年五月和縣施澤臣

序四

平江孫君擁謀監獄界之鉅子也頃以其所著獄務大全問序於余披讀之餘見其綱舉目張條分縷析舉凡關於監所法令指紋建築公牘教誨統計表冊諸端應有儘有搜羅詳盡洋洋大觀匪惟監所官吏之南針抑亦當世獄務得失之林也余與孫君訂交於壬戌夏時余承乏江蘇第二監獄教務所孫君則任上海分監第二科科長一見如故覺其學行有過人者時滬分監長爲長沙楊君止園嘗謂余曰此君在湘治獄有能名此間亦深得其力每觀其治事胸羅成竹井井有條楊君之言益信其爲不誣其後孫君蒙司法當局之知遇調辦寧蘇各處獄務所至有聲余則浮沉二監者八載每一過從風雨對床抵掌而談於監所利弊洞若觀火其研究日深益可想見去夏湖北高等法院院長周公召余來鄂委管江陵獄務兼籌備沙市地方法院看守所修建事宜孫君亦於秋間奉湘院長陳公調委長沙地方法院看守所長一湖咫尺時以新知識相詔余之幸免阻越孫君切磋之功良非淺鮮夫獄務繁賾非有專書難資研討曩在二監既編述教誨淺說復欲纂輯監所現行法規以備翻檢簿書執掌未克從事孫君此著固所以嘉惠同人尤喜其適獲我心也故不揣固陋而爲之序且以志歷年離合之迹焉民國十九年三月瀏陽邵振璣識於湖北江陵縣監獄署

獄務大全再版序

嘗考一國之犯罪統計即可徵其國之政治經濟狀況觀一國監獄之良窳即可知其社會之文野民智之通塞蓋監獄爲社會縮景故有稱之爲小天地者夫人事日紛繁則獄務日複雜人心愈奸巧則治獄愈不易查各國監獄舉凡關於執行戒護給養勞動休止交通以及一飲一啄一沐一浴極尋常瑣屑之事莫不有一定之準則以示範圍而資格守我國改良獄政自清季迄今已二十餘年其於監所規章命令前後頒行多至數百起可謂應有盡有且悉隨事勢之需要（如有某監保管品之訴訟遂有保管錢物辦法之頒行有某監政治犯於接見時間長短之爭執遂有接見處須懸時計之規定等）絕非紙上談兵所可同日而語編者於民二卽忝司獄政爲辦事便利計每見關於監所法規命令公牘等件恆分門別類一一抄錄間有文義深奧者加以解釋程序繁複者附以實例積以歲月竟成巨冊十九年春奉調回湘過京時以之就正於監獄司長王公新之公謂此書堪爲治獄者參考之資可付梓乃謬然益以歷年實驗所得指紋建築教誨之類並將法令中之重要者分類摘出彙成一編計共分七編復蒙前司法院長王公亮疇題曰獄務大全遂付梓第自知譾陋差誤不免未敢多印詎意出版未久卽售罄一空近年來獄界同人猶紛紛函索靡已當中央兩屆監獄官考試時購者尤衆無以應答良用歉然邇者世界獄政改進之論日新月備拘禁制度已由階級而進爲自治矣自不定刑期之實行監獄所負使命更爲重大矣卽以我國論凡關於改良諸端學者鼓吹於野政府試行於朝如各種法規之修正徒刑改墾條例之頒布假釋注重實質之令行少年監之次第設立累犯監之分期籌辦理論愈進法令愈新大有一日千里之勢倘無專門載籍實不足以窺其底蘊而資研究編者有見及此爰就前編之獄務大全大加增刪復將近年辦事講學一得之愚編入其中期切事時不尙空論用再付印而名稱一仍其舊書成略述顛末是爲序

民國二十四年一月二十日孫雄識於上海第二特區監獄署